

դոց, Յովրի և Եզեկիէլի), որոնց բնագիրները մինչև այժմ անյայտ էին և ոչ մի թարգմանութեամբ երևան չեն հանուած:

Այս և ուրիշ Որիգինեան աշխատութիւններից հ. Դաբեգինը կազմել է մի առանձին հատորիկ Վնացորդք բանից Որիգինեայ, վերնագրով, որ շուտով մամուլի կ'յաննուի:



Փետր. 20-ին Ն. Սրբութեան ներկայանալու արժանացաւ Դումայի նախկին-անգամ և՛ այժմ Աշտարակի շրջանի հաշտարար դատաւոր պ Յովհ. Սաղաթ ելեան:

ՕՏԱՐ ԵԿԵՂԵՑԻՆԵՐ

ՌՈՒՍԱՅ ԵԿԵՂԵՑԻ

Սինօդը ընդառաջ գնալով ժամանակակից պահանջներին՝ որոշեց մի քանի շատ կարևոր նախագծեր իրականացնել առանց սպասելու եկեղեցական ժողովի: Առաջին հերթին դրուած են եկեղեցական դատաստանի և ապա ամուսնալուծութեան հարցերը: Վերջինիս իրականացման համար դումարած է եկեղեցական ժողովի նախապատրաստական աշխատանքը անող յանձնաժողովի նախագահ Ֆինլեանդիայի արքեպիսկոպոս Սերգիի ղեկավարութեամբ մի միջվարչական խորհրդակցութիւն, ուր կան ներկայարուցիչներ՝ հոգևոր իշխանութիւնից, պետական կօնսրօլից, պետական դիւանատնից և արդարադատութեան, ներքին գործոց ու ֆինանսների նախարարութիւնից: Խորհրդակցութեան մէջ Սինօդի ներկայացուցիչն է Սինօդի անդամ Իօակիմ արքեպիսկոպոսը:

Թեմերից մէկում կասկած էր ծագել, թէ կարելի է հոգևանդիստ կատարել այն ոճրագործների համար, որոնք բանտում պատժի են ենթարկուել: Սինօդը բացատրել է, թէ այն ոճրագոր-

ծը, որը քրէական օրէնքներով նոյն իսկ մահուան պատժի է ենթարկուել, չի զրկուած պատարագի արժանանալուց, եթէ եկեղեցական իշխանութիւնը նրան եկեղեցուց չի վտարել:

Սինօդը լիազօրել է աւագ դատախազ Ռայեին Պետական Դումա մտցնելու հոգևորականների քաղաքային ընտրութիւններին մասնակցելու նախագիծը:

Ինչպէս տեղեկացնում են Սինօդի աւագ դատախազ Ռաւը Յարսկոյէ Սէլօյում սովորական զեկուցումն անելուց յետոյ արժանացել է մասնաւոր խօսակցութեան եկեղեցական հարցերի վերաբերմամբ:

Սինօդի ձմերային նստաշրջանն սկսուել է, նախագահում է Կիևի մետրօպօլիտը: Այս նստաշրջանում քննուելու են՝ եկեղեցական դատարանի, ամուսնալուծութեան բարեփոխութեան վերաբերող հարցերը, այլ և հոգևոր սեմինարիաների նոր ծրագրերը, որ պիտի որոշ շափով համապատասխանէ լուսաւորութեան նախարարութեան դպրոցների ծրագրերին:

Սերգի արքեպիսկոպոսի նախագահութեամբ տեղի է ունեցել միջվարջական յանձնաժողովի խորհրդակցութիւն ամուսնալուծական խնդրի վերաբերմամբ: Ամուսնալուծութեան մի պատճառ էլ համարուելու է և այն դէպքը, երբ ամուսիններից մէկը դիտմամբ հեռանայ միւսից, 5 տարի ժամանակով: Մինչև այժմ 5 տարի բացակայութեան հետ անհրաժեշտ էր նորա «անյետ» բացակայելը: Այժմ այդ անյետ պայմանը կարևոր են համարում հանել միջից, ի նկատի ունենալով, որ հէնց դիտմամբ հեռանալը ամուսնութեան սրբազան խորհրդի զէմ է:

Նախարարների խորհուրդը քննել և հաւանութիւն է տուել ուղղափառ եկեղեցու պաշտօնեաներին 35 տարի ծառայելուց յետոյ նշանակել կենսաթոշակ ըստ այսմ. մայր եկեղեցիների աւագ քահանաներին և թեմական քարոզիչներին—1200 ռ. տարեկան: շտապի մէջ եղող աւագ քահանաներին—1050, ոչ շտապի աւագ քահանաներին, քահանաներին և աւագ սարկաւազներին—900 ռ. սարկաւազներին—600 ռ. դպիրներին—300 ռ.:

ԿԱՔԱՆԻՆԻ ՆԱԽԴԱՅԻՆ

Հոռմից հեռագրով ժխտում են ֆրանսիական լրագրերի այն տեղեկութիւնը, իբր թէ Վատիկանը ցանկանում է խաղաղութեան համար միջնորդել: Պապը վարում է շէղոք անձնաւորութեան վայել ձեով և չի ուզում խառնուել գործին, որովհետեւ գերմանական յայտագրում իրական խաղաղութեան տուեալներ չի գրանցում:

Աւստրիայի նոր կայսր Կարլոսը գահ բարձրանալուց յետոյ ինքնաձեռագիր մի գրութիւն է ուղղել պապին և օրհնութիւնն է խնդրել: Պապը իւր պատասխանում Կարլոսի թագաւորութեան ամենալաւ գործը խաղաղութիւնը վերականգնելն է համարել: Եթէ թագաւորը կարողանայ աղղել իր գաշնակիցների վրայ խաղաղութիւն կնքելու գործում այդպիսով մեծ ծառայութիւն մատուցած կլինի ոչ միայն ամբողջ կաթոլիկ աշխարհին, այլ և ողջ մարդկութեանը:

Պապի գրութիւնը մեծ տապաւորութիւն է արել թագաւորի, ինչպէս և թագուհու վրայ, որը մոլեռանդ կաթոլիկ է:

Գերմանիայի և Ամերիկայի յարաբերութիւնների խզումը մեծ տապաւորութիւն է թողել պապի վրայ: Նա սպասում է Բապանիայի վճռին, որովհետեւ իր անելիքը համաձայնեցնելու է Բապանիայի ձեռք առած միջոցների հետ:

